

## Бозинской сельсоветысь „Ворошило-во“ колхозын нянез сёрон, октон-калтонлы дасяськымтэ но трудовой дисциплинаез куашкатэм сярысь

Пудемской Районной Исполнительной Комитетлэн Президиумезлэн ПОСТАНОВЛЕНИЕЗ

„Ворошилово“ колхоз председателълэн Лапинлэн, кладовщиклэн Суворовлэн но районуполномоченнойёслэн Деминлэн но Ушакэвлэн докладзыя шараяське со, что „Ворошилово“ колхоз сярысь РИК-лэн президиумезлэсь решение-оссэ Лапин выполнять бз кары. „Ворошилово“ колхозлэн председателез—Лапин бездействиеныз но юыса улэмёныз колхозез куашкатонэ вуттыз. 80 центнер семенной зегез сёриз, куинетй степене клешен заразить кариз но сое колхозник'ёслы трудовеня люкылыз. Озы Лапин колхозник'ёс пöлы недовольство кылдытыз. Бесхозяйственностеныз Лапин колхозной производствосы дисциплинаез куашкатыз. Озы ик сельскöхозяйственной машинасты тупат'ян но куашкатэмын. Одыг ужано валэз вуэ быдтызы.

Государственной банкын операция ортчытытэк 22 сюрс манет колхозной коньдонэз израсходовать карем.

Пудемской райисполкомлэн президиумез постановлять каре:

1. Семенной зегез куинетй степене клешен заразить карем но сое трудовеня люкылон, октон-калтонлы дасяськымтэ, колхозной склад'ёсын дезинфекция ортчыгонэз желать карымтэ факт'ёсты вредительскöен лыдыса, кол-

хозез куашкатыны направить карем кулацкой действоосын лыдыса, районысь прокурорез Пискунов эшез обязать кароно та факт'ёсты жегатскытэк эскерыны но виновник'ёсты ответственность улэ кыскыны.

2. Вань складской помещениосты, кутсаськон интыосты, вань кутсаськон инвентар'ёсты тупат'ялэн но дезинфекция ортчыг'ялэн но озы ик семенной материалэз возенэз но состояниез 25 июльлэсь бере кылтытэк Райзоез, МТС-эз но Уполнаркомзагез прöверить карыны но результатсэз 28 июле РИК-лэн президиумаз ивортыны обязать кароно.

3. Колхозной производствоез тупатыны вылысь соответствующой мераосты кутыны понна „Ворошилово“ колхозэ, та решениез колхозной собраниян обсудить но реализовать карыны понна РИК-лэсь президиумезлэсь членэз Трефилов эшез ыстоно.

4. Вань сельсовет но колхоз председателёслы предложить кароно та решениесь соответствующой вывод'ёслэстыны но семенной материалэз возен порядоке но октон-калтонэ дасяськонэ нимысьтыз внимание вис'яны.

Райисполкомлэн председателез—Осетров.

Секретарез—Чупин.

## ТРУДЯЩОЙЁС ЗАЕМЛЭСЬ БАДЗЫМ ДОХОД'ЁС БАСЬТО

Удмуртской республикасы-тымы трудящейёслы заем'ёслэн тираж'ёссыя, утон'ёссыя ко купон'ёс'я Удмуртисысь сберегательной кассаосын 1937 арын 1.842 сюрс манет тыремын. 1938 арын одыг 5 толэзь куспын гинэ 780 сюрс манет утон'ёс но купон'ёс'я тыремын.

СССР-лэсь обороназэ юнматон заемлэн нырысетй тира-

жез'я 11 июнысен 28 июнэз Ижевск городысь сберегательной кассаосын 560 утон'ёс 44.555 манетлы тыремын. Сизьым облигациос'я быдэн 500 манет утон'ёсты тыремын.

1938 арлэн 25 майысеныз 28 июнэз кыктэти пятилеткалэн заемезлы 7 тиражез'я Ижевскысь сберкассаосын 1026 утон'ёс'я 114.255 манет тыремын.

## Семенной участок'ёсты утялтэ

Кидыслы кельтэм клеверной участ'ёс туэ умой возматско. Вылйлыко удалтэм клевер кидыс басытон понна скулмаськыны кулэ на. Соин ик клевер сясьяксыкыку отчы муш'ёсты уморгоосын нуоно. Муш'ёс сясьяксы - сясьякае ветлыкузы опылять каро. Озы тйни муш'ёслэн юрттэ-менызы колхоз'ёс трос клевер кидыс басытыны быгато но колхозлы бадзым доход луэ.

Клевер асьмелы трос пудо сюдон базаен луэ. Со сяна клевер муз'емез азотистой веществоен уырмаз но отчы етйн удалтэ. „Прожектор“

колхоз туэ клевер муз етйн кизиз. Етйн огын умой будэ, колхозлы бадзым доход сётэз.

Семенной участок'ёсысь жугжаг турынез урыны кулэ. Отчы пересьёсты но школьник'ёсты кысконо. Вунэыны кулэ ёвёл, что туэ кудыз колхоз'ёс умой шертимтэ клевер кидыс пазызы—килограммааз 10.000—12.000 жугжаг турын кидыс вал. Сорняк'ёс почвалэсь структуразэ портить каро, сорняк'ёс сэрен сельскöхозяйственной вредительёс потэ, колхозлы бадзым из'ян сётэ.

М. Волков.

## „Большевик“ колхозлэсь пример басытэ

Л ю м с к о й сельсоветысь „Большевик“ колхоз Хаймин Арсентийлэн кивалтэмез'я, ужасьёс пöлың валэктон ужэз умой пуктэменыз сюрес лэстытонэн азымынэ. Сюрес лэстытон планэз 150 процент тырмытйзы. „Большевик“ колхоз

сыбры „Первый шаг“ колхозмынэ. Доруполномоченной Мышкин Федер мылысь-кыдысь ужа.

„Вторая пятилетка“ но Горбашевской сельсоветысь „Коминтерн“ колхоз'ёс ляб ужало. Ельцов.

## Семенной зегез сисьтйзы

Чабыровской сельсоветысь „Серп и молот“ колхоз председателълэн Наймушин Константинлэн но кладовщиклэн Жуйков Николайлэн халатно относится кариськеменызы куинь тонна котыр семенной зегез сисьтйзы. 1937 арлэсь кылем коколь но макня сисьтэмын. Тае ревизионной комиссия ёвёл эскерылэм.

Турнаны но правление дасяськытэк потйз. Соин ик турнан ляб мынэ.

Валэктон уж колхозын ляб пуктэмын. Наймушин колхозник'ёсын грубо относится кариське, чем дыр'я юыса улэ.

Плетенев.

## Безответственной бригадир

Чабыровской тракторной бригадалэн бригадирез Ившин чем юыса улэ. Колхозэ мынэ—юэ, Пудеме мынэ—юыса лыктэ. Огпол Пудемысь бертыкуз валэз кызылу борды думем но ачиз юэменыз номыр но уг

вала. Валэз сютэм сылэ. Трахбрат ке ой вуысал оло уйбыт кызылу бордын вал сылысал. Та факт'ёс сярысь МТС-лэн директорез Бегишев толэ ке но нокрыче ужрад уг кугы.

А. Данилов.

## Нимзэ оправдать уг кары

Л ю м с к о й сельсоветысь „Первый шаг“ колхозысь заём'я уполномоченной (со ик сельсоветлэн членэз) Югов Николай 1937 арын 200 манетлы заем басытыны гошкылыз. Коньдон 15 манет сяна ёз тыры. Озы со сельсоветлэн членэз возьдаскытэк госу-

дарствоез пöяз. Колхозной производствоез юнматон интые куинь нунал религиозной, поповской „праздникез“, юыса улиз. Со ик кыкетй арзэ колхозниклэсь бакчазэ эксплуатировать карыса возе ини. Со кык бакча возе. Сельхозартельлэсь уставзэ тйя. Эскерись.

## Н. М. Шверник эшез Ленин орденэн наградить карон сярсы

СССР-лэн Верховной Советэзлэн Президиумезлэн  
**УКАЗЫ**

ВЦПС-лэн первой секретарезлы Николай Михайлович Шверниклы 50 дрес тырмем пумысь но рабочий класс азын солэсь выдающийся заслугаосэ лыдэ басьтыса Н. М. Шверникез Ленин орденэн наградить кароно.

СССР-лэн Верховной Советэзлэн Президиумезлэн председателез М. Калинин.

СССР-лэн Верховной Советэзлэн Президиумезлэн секретарез А. Горкин.

Москва, Кремль, 15 июле 1933 аре.

## Булдаков ужысьтыз куштэмын

М-Малагово колхозлэн председателез Булдаков Степан колхозаз бездельничать карыса ульз.

Октон-калтонэ дз дачкы. Куамын сизым ужано валлы кык гинэ уробоез. Аран машинаос кыкнаиз тупат'ямтэ. Ю возён кенос'ёсын дезинфекция орчмыгымтэ. Етйн кидысэз нормая дьдл кизём. Озы кизытэк кельтэм етйн кидысэз колхозник'ёслы люкыса ас понназы колхозной бусые кизыллям.

Булдаков кема ке но дз ужа председателын, колхозэз куашкатон доры вутт'ыз.

Хлебозакуплы бастэм посадасты колхозэ вуттытэк, сюрес вылысен ик вузаса коньдонэз вина юыса быдт'ыз.

Пожарной охрана копак куашкатэмын. Уробоосын подбрюшник'ёс, сезельча гоыос дьдл. Бочкаос уробо борды думылымтэ. Колесаос уродэсь. Багор'ёсты нуллоу уробо кушкамын.

Озы преступной уж'ёсты лэстэмез понна Булдаковез колхозник'ёс судить карыны куро.

Булдаковез ответственность улэ кыскыны понна ужзэ УАССР-ысь прокуратурае ыстэмын.

Пискунов.

## Юыса уло

Костромка колхозысь счетовод Семакин Андрей, 5 июле со сярсы „Горд знамя“ газетэ поттэм заметкаез лыдэ дз басты. Азлыо сямен ик со юыса улэ. „Гербер“ дыр'я колхозник'ёс но колхозницаос турынэз жоггес октыса-калтыса быдтон понна ударно ужазы. Нош А. Семакин но учетчик Данилов Павел юыса

ульзы. Данилов Павел учетчике бригадирез, счетоводэз но колхоз председателез винаен сектаса пыриз.

Колхозник'ёс Даниловез учетчикысь поттыны куро, нош счетовод Семакинэз колхоз правленилы но райзолы кияз кутано.

Колхозник.

## Еловской вельможалэн выдержкаез

Еловской сельсоветысь „Труд“ колхозысь колхозница Барышникова Клавдия Михайловна ужакуз висыны кутскемен бригадирлэсь капчи уж курум. Бригадир Скотин Иван Павлович Барышниковалы капчи уж сётэм интые „выдержки“ сётй шуэ. Барышниковаез кык толэзлы ужысь отстранить карем. Кин Скотинлы сётйз право колхозник'ёсты ужысь кык толэзлым поттылыны? Скотинлы сель-

скохозяйственной артельлэн уставез законэн уг луы-а ма? Уставез тйяны солы нокин но эрик дз сёт, устав со—закон. Колхозын урод уж лэстэм понна колхозникез ог дырлы ужысь поттыны правление быгатэ, нош бригадирлэн со дьдл правоез.

Уставез нарушить карем понна Скотин вылэ дисциплинарной уж возбудить каремын.

Пискунов.

## Испаниысь фронт'ёсын

Левант фронт

Испанилэн оборонаезлэн министерствоезлэн 13 июле сётэм официальной сводкаез'я, Кастельон провинциын, Эспадан горной массив дорын бойёс нуыса, республиканской войскаос Эрмит позициосты но 577 но 648 высотаосты бастыт'ыз. Ла Льосалэн север паласыыз противниклэн атакаосыз республиканец'ёсын быдэсак дугдытэмын. Артан секторын республиканской войскаос чем контратакаосын операциослэсь инициативазэс киязы возё. Мятежник'ёслэсь нападениоссэс тугало.

Теруэль секторын мятежник'ёс но интервент'ёс само-

лет'ёслэн но танк'ёслэн юртэмзы улсын ожесточонной бой нуыса Саррионэз бастыт'ыз.

Саррион вадьсын воздушной бой дыр'я республиканской авиация 8 фашистской истребительёсты уськыт'ыз. Республиканец'ёслэн самолёт'ёсылы номыр но дз луы.

Республиканской авиацилэн дейвиосыз

13 июле 18 республиканской самолёт'ёс противниклэсь Каудэзысь аэродромэз бомбардировать карызы. Бомбардировка дыр'я противниклэн трос самолёт'ёсыз жуаны кутскизы.

## Китайын военной дейвиос

Южной Китайын

„Дейли экспресс“ газетлэн Гонконгской корреспондентэз гожтэ, что 500 китайской партизан'ёс 30 джонкаосысь Амой дорысь одгг острове васькызы. Со островысь японской гарнизонэз но марионеточной властью партизан'ёс шдтэк шорысь кутызы.

„Даобао“ газетлэн ивортэмез'я, та островын ульсь китайской патриот'ёс японской

армилэн грабеж'ёсыныз но насилюсыныз чылкак ёрмененызы японской гарнизон вылэ налет лэст'ыз. Японской войскаос вооруженной китаец'ёслэсь кышкаса гурезьёсы пег'изы. Гурезё район'ёсын бойёс мыно. Марионеточной властьюслэн руководительёсы выылэмын.

Янцзы шурлэн долинаяз Хукоу районын кужмо бойёс мыно.

## Говард Юз кругосветной перелетсэ быдэст'из

Нью-Йорк, 14 июле. Тодмо американской летчик Говард Юз Нью-Йоркли матысь Флойд Беннет аэродром вылэ 13 час 37 минутэ (Нью-Йоркской дырын) пуксиз.

Озы со кругосветной перелет лэстыса мировой рекорд пукт'ыз. 1933 аре американской летчик Вилли Пост кругосветной пчтешествие 7 сутка 18 час но 49 минутын быдэст'из вал.

Юз кругосветной перелетсэ Нью-Йорк - Париж - Москва - Омск - Якутск - Аляска - Калифорния но Нью-Йорк маршрут'я 3 сутка 19 час но 17 минутын быдэст'из. Со куспын 14,800 миляез ортчемын (миля-1,6 километр).

Флойд Беннетысь аэродромын Говард Юзэз 30 сюрс мурт'ем калык торжественно пумитаз.

Отв. редактор П. МАЛЫХ. Потт'ысь Райсполком.

## Всем организациям

В соответствии с постановлением СНК СССР и ЦК ВКП(б) от 19 апреля 1938 года о налогах и других обязательствах в отношении единоличных хозяйств и, согласно закона о сельхозналогах ст. 59 пар. 30, Пудемский райфинотдел просит справки о заработках единоличных хозяйств в вашей организации с 1-го июня по 1-е июля 1938 года, с указанием ежемесячной получаемой суммы деньгами и натурой.

Просим сведения не задерживать.

Зав райфо—Демин.

Ст. нал. инспектор—Наймушин.